

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03 i 65/13), člana 11. i 13. Odluke o osnivanju javnog preduzeća za upravljanje i održavanje objekata u vlasništvu Općine Novo Sarajevo ("Službene novine Kantona Sarajevo" broj 11/16 i 18/16-ispravka), člana 16. Statuta Javnog preduzeća za upravljanje i održavanje objekata u vlasništvu Općine Novo Sarajevo "ONSA" d.o.o. Sarajevo (Službene novine Kantona Sarajevo broj: 30/17), Zaključka Općinskog vijeća Novo Sarajevo broj: 01-02-953/18 od 11.10.2018. godine, te Zaključka o utvrđivanju standarda i kriterija za izbor i imenovanje na upražnjene pozicije predsjednika Skupštine, člana Skupštine i člana Nadzornog odbora JP "ONSA" d.o.o. Sarajevo broj: 010-05-117/19 od 12.02.2019. godine Općinski načelnik objavljuje

**JAVNI OGLAS
ZA POPUNU UPRAŽNJENIH POZICIJA
PREDSJEDNIKA SKUPŠTINE, ČLANA SKUPŠTINE I ČLANA NADZORNOG
ODBORA
JP "ONSA" D.O.O. SARAJEVO**

I. Predmet Javnog oglasa

Objavljuje se Javni oglas za popunu upražnjenih pozicija predsjednika Skupštine, člana Skupštine i člana Nadzornog odbora Javnog preduzeća za upravljanje i održavanje objekata u vlasništvu Općine Novo Sarajevo "ONSA" d.o.o. Sarajevo (u daljem tekstu: JP "ONSA").

Oglašavaju se sljedeće pozicije:

- | | |
|-------------------------|-------------|
| - Predsjednik Skupštine | 1 izvršilac |
| - Član Skupštine | 1 izvršilac |
| - Član Nadzornog odbora | 1 izvršilac |

**II. Opis pozicija
Skupština**

Donosi:

- Statut Preduzeća i njegove izmjene i dopune,
- Plan poslovanja, investiranja, odnosno revidirani plan poslovanja u skladu sa članom 23. Zakona o javnim preduzećima.

Usvaja:

- Poslovnike, na prijedlog Nadzornog odbora,
- Etički kodeks, na prijedlog Nadzornog odbora,
- Godišnji izvještaj Preduzeća koji uključuje finasijski izvještaj i izvještaj revizora.

Odlučuje o:

- Raspodjeli godišnje dobiti i pokriću gubitka,
- Povećanju i smanjenju osnovnog kapitala,
- Spajanju sa drugim društvima i pripajanju drugih društava,
- Promjeni oblika i podjeli Preduzeća,
- Prestanku Preduzeća sa provođenjem likvidacije i o odobravanju početnog likvidacionog bilansa i završnog računa po okončanju postupka likvidacije,
- Izboru i razrješenju članova Nadzornog odbora pojedinačno,
- Izboru i razrješenju članova Odbora za reviziju pojedinačno,
- Naknadama članova nadzornog odbora i odbora za reviziju,
- Drugim pitanjima bitnim za poslovanje Preduzeća, u skladu sa zakonom o privrednim društvima, Zakonom o javnim preduzećima i Statutom preduzeća.

Nadzorni odbor

- priprema i predlaže Etički kodeks, poslovničke i druge akte koje usvaja Skupština Preduzeća;
- imenuje i razrješava članove Uprave i predlaže kandidate za Odbor za reviziju u skladu sa zakonom;
- razmatra i nadzire postupak javnih nabavki;
- predlaže raspodjelu profita, daje upute direktoru za provođenje mjera i aktivnosti prilikom uočenih propusta;
- odlučuje o ostalim pitanjima u skladu sa Zakonom o privrednim društvima i Zakonom o javnim preduzećima i Statutom Preduzeća.

III. Mandat

Izbor i imenovanje predsjednika Skupštine, člana Skupštine i člana Nadzornog odbora vrši se na mandatni period od 4 (četiri) godine, sa mogućnošću ponovnog imenovanja.

Konačno imenovani imaju pravo na nadoknadu za rad u Skupštini, odnosno Nadzornom odboru.

IV. Uslovi za izbor i imenovanje na pozicije predsjednika Skupštine, člana Skupštine i člana Nadzornog odbora

Kandidati za imenovanje na tražene pozicije moraju ispunjavati opće i posebne uslove.

Opći uslovi za imenovanje:

- Da je državljanin BiH,
- Da je stariji od 18 godina i da nije stariji od 65 godina na dan imenovanja za predsjednika Skupštine i člana Skupštine, odnosno da nije stariji od 70 godina na dan imenovanja za člana Nadzornog odbora,
- Da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od 3 godine prije dana objavljivanja upražnjene pozicije,
- Da se na njega ne odnosi član IX 1. Ustava Bosne i Hercegovine,
- Da nije osuđivan za krivična djela i za privredni prijestup i da se protiv njega ne vodi krivični postupak nespojiv sa dužnošću u Skupštini, odnosno da nije osuđivan za krivična djela i za privredni prijestup nespojiv sa dužnošću u Nadzornom odboru pet godina od dana pravosnažnosti presude, isključujući vrijeme zatvorske kazne i da se protiv njega ne vodi krivični postupak nespojiv sa dužnošću u Nadzornom odboru,
- Da ne obavlja dužnost, aktivnosti ili da nije na položaju koji dovodi do sukoba interesa shodno Zakonu o sukobu interesa u organima vlasti u Federaciji BiH ("Službene novine Federacije BiH", broj 70/08)
- Da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine,
- Da nije lice kojem je Presudom Suda zabranjeno obavljati aktivnost u nadležnosti Skupštine, odnosno Nadzornog odbora,
- Da ne postoje druge zakonske smetnje za obavljanje poslova u Skupštini, odnosno Nadzornom odboru

Posebni uslovi za imenovanje:

- Visoka stručna sprema (VII stepen) društvenog ili tehničkog smjera,
- Najmanje 5 godina radnog iskustva u struci,
- Da posjeduje rukovodne i organizacijske sposobnosti,
- Da nema privatni, finansijski interes u Javnom preduzeću u čiju se Skupštinu, odnosno Nadzorni odbor kandiduje u smislu člana 2. tačka 1.2. Zakona o ministarskim, vladinim i drugim imenovanjima Federacije Bosne i Hercegovine,

- Da nije član više od jednog Upravnog odbora, Nadzornog odbora ili Odbora za reviziju.
- Za člana Nadzornog odbora - da posjeduje certifikat po Uredbi i Programu usavršavanja predsjednika i članova nadzornih odbora i uprava privrednih društava s učešćem državnog kapitala ili da se obaveže da će u roku od 6 mjeseci od izbora dostaviti predmetni certifikat.

Prednost kod imenovanja za predsjednika i člana Skupštine JP "ONSA" d.o.o. Sarajevo, imat će kandidati sa radnim iskustvom te ostvarenim i priznatim rezultatima iz oblasti djelatnosti preduzeća, a prednost kod imenovanja za člana Nadzornog odbora JP "ONSA" d.o.o. Sarajevo, imat će kandidat sa stručnim i profesionalnim iskustvom za ekonomske i pravne analize i propise.

V. Potrebni dokumenti

Kandidati su dužni uz prijavu priložiti i dokaze o ispunjenju općih i posebnih uslova u originalu ili ovjerene fotokopije, ne starije od šest mjeseca i to:

1. Kraću biografiju, adresu i kontakt telefon,
2. Uvjerenje o državljanstvu,
3. Izvod iz matične knjige rođenih,
4. Izjava ovjerena od strane nadležnog općinskog organa da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od 3 godine prije dana objavljivanja upražnjene pozicije,
5. Izjava ovjerena od strane nadležnog općinskog organa da se na njega ne odnosi član IX. 1. Ustava Bosne i Hercegovine,
6. Uvjerenje da nije osuđivan za krivična djela i za prekršaj nespojiv sa dužnošću u Skupštini, odnosno Nadzornom odboru izdato od strane nadležnog MUP-a,
7. Uvjerenje da se protiv njega ne vodi krivični postupak nespojiv sa dužnošću u Skupštini, odnosno Nadzornom odboru izdato od strane nadležnog suda,
8. Izjava ovjerena od strane nadležnog općinskog organa da ne obavlja dužnost, aktivnosti ili da nije na položaju koji dovodi do sukoba interesa shodno Zakonu o sukobu interesa u organima vlasti u Federaciji BiH ("Službene novine Federacije BiH", broj 70/08),
9. Izjava ovjerena od strane nadležnog općinskog organa da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13),
10. Izjava ovjerena od strane nadležnog općinskog organa da nije lice kojem je presudom suda zabranjeno obavljati aktivnost u nadležnosti Skupštine, odnosno Nadzornog odbora,
11. Izjava ovjerena od strane nadležnog općinskog organa da ne postoje druge zakonske smetnje za obavljanje poslova u Skupštini, odnosno Nadzorom odboru,
12. Diploma o završenoj VSS (VII stepen) društvenog ili tehničkog smjera,
13. Dokaz o radnom iskustvu u struci,
14. Izjava ovjerena od strane nadležnog općinskog organa da nema privatni, finansijski interes u Javnom preduzeću u čiju se Skupštini, odnosno Nadzorni odbor kandiduje u smislu člana 2. tačka 1.2. Zakona o ministarskim, vladinim i drugim imenovanjima Federacije Bosne i Hercegovine,
15. Izjava ovjerena od strane nadležnog općinskog organa da nije član više od jednog Upravnog odbora, Nadzornog odbora ili Odbora za reviziju,
16. Za člana Nadzornog odbora - Certifikat po Uredbi i Programu usavršavanja predsjednika i članova nadzornih odbora i uprava privrednih društava s učešćem državnog kapitala ili ovjerena izjava da će u roku od 6 mjeseci od izbora dostaviti predmetni certifikat.

Napomena: Dokumentacija koja se dostavlja neće se vraćati kandidatima koji su se prijavili na Javni oglas.

VI. Ostale napomene

Kandidati koji ispunjavaju opće i posebne uslove biće pozvani na intervju.

Kandidati koji budu pozvani na intervju dužni su, prije intervjua, dati podatke o ranijim poslodavcima, odnosno neposrednim rukovodiocima od kojih se mogu dobiti preporuke i informacije o kandidatu.

Kandidati koji budu pozvani na intervju dužni su u toku njegovog trajanja popuniti obrazac u kome su dužni iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja.

Na osnovu provjere kvalifikacija i iskustva prijavljenih kandidata i obavljenog intervjua Komisija za provođenje postupka izbora i imenovanja kandidata na upražnjene pozicije predsjednika Skupštine i člana Nadzornog odbora će, putem pisane preporuke predložiti rang listu sa najboljim kandidatima na dalji postupak i konačno imenovanje.

Odluke o imenovanju predsjednika Skupštine, člana Skupštine i člana Nadzornog odbora donosi Općinsko vijeće na prijedlog Općinskog načelnika.

Oglas za podnošenje prijave ostaje otvoren 15 (petnaest) dana od dana njegovog objavljivanja u "Službenim novinama Federacije BiH", a isti će se objaviti u dnevnom listu "Dnevni avaz", web-stranici Općine Novo Sarajevo i oglasnoj ploči Općine Novo Sarajevo.

Prijave sa traženom dokumentacijom podnose se lično ili poštom preporučeno, na adresu: Općina Novo Sarajevo, Općinski načelnik, Komisija za provođenje postupka izbora i imenovanja na upražnjenu poziciju predsjednika Skupštine, člana Skupštine i člana Nadzornog odbora JP "ONSA", sa naznakom: "Prijava na Javni oglas za popunu upražljenih pozicija predsjednika Skupštine, člana Skupštine i člana Nadzornog odbora JP "ONSA" d.o.o. Sarajevo" – ne otvaraj, ul. Zmaja od Bosne broj 55, Sarajevo.

Neblagovremene i nepotpune prijave neće se uzeti u razmatranje.

Broj: 010-05-126/19
Sarajevo, 18.02.2019.godine

OPĆINSKI NAČELNIK
Nedžad Koldžo